



Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
GRADSKO VIJEĆE

ODLUKA
O DAVANJU SAGLASNOSTI NA DOPUNU PROGRAMA AKTIVNOSTI ZA
DAN OBILJEŽAVANJA OPSADE SARAJEVA 1992.-1995.
ZA 2024. GODINU
(Prijedlog)

Predlagač: Gradonačelnica
Obrađivač: Informativni centar Sarajevo

Sarajevo, novembar 2023. godine

Adresa: Hamdije Kreševljakovića 3
71000 Sarajevo, BiH
Tel: +387 33 216 659
Fax: +387 33 205 874
Email: gsgv@sarajevo.ba
Web: gradskovijece.sarajevo.ba



Na osnovu člana 31. stav (1) tačka b) Statuta Grada Sarajeva („Službene novine Kantona Sarajevo“, broj 07/23), člana 3. stav (2) Odluke o Danu obilježavanja opsade Sarajeva 1992.-1995. („Službene novine Kantona Sarajevo“, broj 25/19), Gradsko vijeće Grada Sarajeva, na __. sjednici održanoj dana __. __. 2023. godine, donijelo je:

(Prijedlog)

**ODLUKU
O DAVANJU SAGLASNOSTI NA DOPUNU PROGRAMA AKTIVNOSTI ZA
DAN OBILJEŽAVANJA OPSADE SARAJEVA 1992.-1995.
ZA 2024. GODINU**

**Član 1.
(Predmet)**

Ovom odlukom daje se saglasnost na dopunu Programa aktivnosti za Dan obilježavanja opsade Sarajeva 1992.-1995. za 2024. godinu (u daljnjem tekstu: Program) koji je sastavni dio Odluke o davanju saglasnosti na Program aktivnosti za Dan obilježavanja opsade Sarajeva 1992.-1995. za 2024. godinu („Službene novine Kantona Sarajevo“, broj 43/23).

**Član 2.
(Dopuna Poglavlja II Program aktivnosti)**

Dopuna Programa aktivnosti za Dan obilježavanja opsade Sarajeva 1992.-1995. za 2024. godinu vrši se na način da se Program aktivnosti dopunjava u Poglavlju II, iza tačke II. dodaje se nova tačka IIa koja glasi „Umjetnici Sarajeva za slobodnu Bosnu i Hercegovinu, 1992.-1995.“, Datum obilježavanja: 04.04.2024. godine, Nosilac obilježavanja: Neprofitno Udruženje umjetnika Art Colony iz Sarajeva, Način obilježavanja: Prema programu nosioca obilježavanja.“

**Član 3.
(Sastavni dio Odluke)**

Sastavni dio ove odluke je Program aktivnosti za Dan obilježavanja opsade Sarajeva 1992.-1995. za 2024. godinu.

**Član 4.
(Stupanje na snagu)**

Ova odluka stupa na snagu narednog dana od dana objavljivanja u „Službenim novinama Kantona Sarajevo“.

PREDSJEDAVALJUĆI GRADSKOG VIJEĆA

Jasmin Ademović

Broj:
Sarajevo, __. __. 2023. godine

OBRAZLOŽENJE

PRAVNI OSNOV

Pravni osnov za donošenje ove odluke sadržan je u članu 31. stav (1) tačka b) Statuta Grada Sarajeva kojim je propisano da Gradsko vijeće donosi odluke, druge propise i opće akte i daje njihovo tumačenje, kao i u članu 3. stav (2) Odluke o Danu obilježavanja opsade Sarajeva 1992.-1995. kojim je propisano da konačni Program aktivnosti za Dan obilježavanja opsade Sarajeva utvrđuje gradonačelnica Grada Sarajeva i predlaže Gradskom vijeću usvajanje Odluke o davanju saglasnosti na Program aktivnosti za Dan obilježavanja opsade Sarajeva za narednu godinu.

RAZLOZI ZA DONOŠENJE

Obzirom da je Program aktivnosti za Dan obilježavanja opsade Sarajeva 1992.-1995. za 2024. godinu dodatno obogaćen novim sadržajima, ove godine pristupilo se obogaćivanju sadržaja programa opsade za narednu 2024. godine, te je Program dopunjen obilježavanjem prigodne izložbe „Umjetnici Sarajeva za slobodnu BiH“ i dokumentarnim filmom „Izložba 92“. Projekat „Umjetnici Sarajeva za slobodnu BiH“ posvećen je likovnom događaju nastalom u prvim mjesecima opsade Sarajeva i fascinantna priča o duhovnom i stvaralačkom otporu na samom početku rata u glavnom gradu BiH. Autor ove multimedijalne izložbe je Mirsada Baljić, čiji je privatni arhiv bio osnova za realizaciju čitavog projekta. Arhiv čine brojne fotografije, video materijal i dokumentacija iz tog vremena.

Pored fotografija i dokumentacije, u okviru projekta nastao je i dokumentarni film „Izložba 92“ Jasmina Durakovića, koji je i sam bio jedan od aktera u organizaciji izložbe u Kamernom teatru 55. Film je dokumentarno i autentično svjedočanstvo o ovoj izložbi sa nizom do sada neviđenih snimaka iz tog perioda. Uvidom u dostavljeni Program aktivnosti za Dan obilježavanja opsade Sarajeva 1992.-1995. utvrđeno je da Program u cijelosti zadovoljava cilj donošenja Odluke o Danu obilježavanja opsade Sarajeva 1992.-1995., odnosno da na prigodan i dostojanstven način obilježava najdužu opsadu jednog glavnog grada u savremenoj historiji ratovanja, kao i patnju, hrabrost i herojski otpor stanovnika i branioca Sarajeva u opsadi, te odaje poštu građanima Sarajeva ubijenim tokom opsade grada.

OBRAZLOŽENJE PREDLOŽENIH RJEŠENJA

Članom 1. Odluke daje se saglasnost Gradskog vijeća Grada Sarajeva na Program aktivnosti za Dan obilježavanja opsade Sarajeva 1992.-1995. za 2024. godinu, utvrđen od strane gradonačelnice Grada Sarajeva.

Članom 2. Odluke utvrđuje se dopuna Programa aktivnosti za Dan obilježavanja opsade Sarajeva 1992.-1995. za 2024. godinu.

Članom 3. Odluke propisano je da je Program sastavni dio Odluke, dok član 4. reguliše stupanje na snagu Odluke.

FINANSIJSKA SREDSTVA

Finansijska sredstva za provedbu ove odluke obezbjedit će se u Budžetu Grada Sarajeva za 2024. godinu, na budžetskoj poziciji 614 300 – Tekući transferi neprofitnim organizacijama – Program obilježavanja Dani opsade Grada Sarajeva po Odluci Gradskog vijeća.



Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
GRADONAČELNICA

PROGRAM
AKTIVNOSTI ZA DAN OBILJEŽAVANJA OPSADE SARAJEVA 1992.-1995.
ZA 2024. GODINU

Predlagač: Gradonačelnica
Obrađivač: Informativni centar Sarajevo

Sarajevo, novembar 2023. godine

Adresa: Hamdije Kreševljakovića 3
71000 Sarajevo, BiH
Tel: +387 33 407 443
Fax: +387 33 208 341
Email: grad@sarajevo.ba
Web: www.sarajevo.ba



Na osnovu člana 3. stav (2) Odluke o Danu obilježavanja opsade Sarajeva 1992.-1995. („Službene novine Kantona Sarajevo“, broj 25/19) utvrđujem:

**PROGRAM
AKTIVNOSTI ZA DAN OBILJEŽAVANJA OPSADE SARAJEVA 1992.-1995.
ZA 2024. GODINU**

I UVOD

Odlukom o Danu obilježavanja opsade Sarajeva 1992.-1995. („Službene novine Kantona Sarajevo“, broj 25/19) propisano je da konačni Program aktivnosti za Dan obilježavanja opsade Sarajeva 1992.-1995. utvrđuje gradonačelnica Grada Sarajeva i predlaže Gradskom vijeću usvajanje Odluke o davanju saglasnosti na Program aktivnosti za Dan obilježavanja opsade Sarajeva 1992.-1995. za narednu godinu. U izradi Programa aktivnosti za Dan obilježavanja opsade Sarajeva 1992.-1995. konsultovan je i Savjet gradonačelnice za Informativni centar o Međunarodnom krivičnom sudu za bivšu Jugoslaviju (u daljnjem tekstu: Informativni centar o MKSJ Sarajevo). Uzimajući u obzir nadležnost Savjeta, utvrđenu potpisanim Memorandumom o razumijevanju između Međunarodnog krivičnog suda za bivšu Jugoslaviju i Grada Sarajeva za razvoj Informativnog centra Sarajevo („Službene novine Kantona Sarajevo“, broj 50/16), kao i njegov sastav, u Programu su uvaženi prijedlozi Savjeta.

**II RASPORED I OPIS AKTIVNOSTI ZA DAN OBILJEŽAVANJA OPSADE SARAJEVA
1992.-1995. ZA 2024. GODINU**

Naziv aktivnost: Projekat „Think Freedom 1425“

Lokacija: ulica Ferhadija ili Titova

Vremenski okvir: 05.04.2024. godine

Satnica: naknadno

Učesnici aktivnosti: delegacije Grada Sarajeva, strane delegacije, diplomatska predstavništva u BiH, delegacije, predstavnici različitih nivoa vlasti u BiH, predstavnici relevantnih udruženja, umjetnici, učenici i studenti.

Obrazloženje: Misli Sloboda je sveobuhvatni pristup projektu public art-a koji šalje poruku slobode iz srca Sarajeva i BiH ka regionu, cijeloj Evropi, Americi i svijetu. Ovaj projekat objedinjuje skulpturu, instalaciju, performans, svjetlo, zvuk, film, pisanu riječ, ali i nove globalne komunikacijske tehnologije kako bi spojio mlade generacije sa univerzalnom snagom suvremene umjetnosti. Istražujući stavove i promišljanja mladih generacija, ali i šire publike, projekt generira platformu koja podržava nove dijaloge, interaktivnosti i drugačije aspekte življenja u novom mileniju.

Prvu sliku ove instalacije objavila je Associated Press kao Globalna slika dana. Prva instalacija „Think Freedom“ koja je napustila Sarajevo otišla je u Vatikan kao poklon od Ambasade Vatikana za papu Franju u posjeti Bosni. Od tada, „Think Freedom 1425“ i poruke o Slobodi su krenule na globalnu umjetničku misiju.

Danas se instalacija „Think Freedom 1425“ sastoji od stotina skulptura pojedinačno napravljenih od dvije metalne trake, poput dvije ruke ili dvije poruke savijene u obliku stilizirane ptice. Svaka skulptura oživljava porukom ispisanom rukom na njenim krilima. Preko 2000 poruka preneseno je u direktnim razgovorima sa mladim studentima koji su odgovarali na pitanje: Šta za vas znači sloboda? Ova instalacija je do sada boravila u 20 gradova BiH, regije, Evrope i svijeta, i u svakom gradu domaćinu u saradnji sa studentima umjetnosti, arhitekture i dizajna.

Instalacija „Think Freedom 1425“ je na svom putovanju obilježila značajne datume. U Mađarskoj,

Ambasada Sjedinjenih Američkih Država proglasila je ovaj projekat kao projekat koji obilježava 30 godina od pada Berlinskog zida. U Slovačkoj je Think Freedom instalacija postavljena na dužini od pola kilometra u centru Prijestolnice kulture Slovačke, Banskoj Štiavnici, ponovno obilježavajući 30 godina od pada Berlinskoj zida, ovaj put u Slovačkoj. Postavka u Italiji, u gradu Sorrento je dobila i prvu nagradu za umjetničku instalaciju 2021. godine.

Postavkom instalacije „Think Freedom 1425“, sačinjene od 1425 skulptura i 1425 poruka na svakoj skulpturi u srcu grada, Sarajevo će na jedinstven način obilježiti svoj put ka slobodi.

Projektni prijedlog „Think Freedom 1425“ obuhvatit će:

- Kampanju prikupljanja poruka koja će trajati 30 dana.
- Izradu 1425 skulptura i ispisivanje poruka na njima.
- Suradnju sa Akademijom likovnih umjetnosti i Arhitektonskim fakultetom u Sarajevu u dizajnu postavke, svjetla i zvuka.

Postavka instalacija bit će upriličena na otvorenom u centru Sarajeva, u ulici Ferhadija ili Titova. Pored instalacija projekat će uključiti kulturno-umjetnički program u suradnji sa Simfonijskim orkestrom Sarajevo, Dječjim horom /izvedbom pjesama: „Ulica prkosa“, „Sarajevo ljubavi moja“, „Samo da rata ne bude“/ i Muzičkom akademijom /izvedbom performansa/ i Akademijom scenskih umjetnosti u Sarajevu /nastupom mladih glumaca izgovaranjem poruka na temu Sloboda/.

Projekat implementira i Interaktivnu aplikaciju proširene stvarnosti, što omogućava svakom posjetiocu da putem android aplikacije može i komunicirati sa digitalnom „Think Freedom 1425“ instalacijom. PR kampanja će obuhvaćati dokumentovanje projekta, što podrazumijeva snimanje i fotografiranje događaja i komuniciranje sa medijima.

Instalacija nosi simbol poruka slobode i mira, ali i dostojanstva za koje su se građani Sarajeva izborili prkoseći opsadi. Kampanja uključuje mlade ljude koji su budućnost i upravo oni daju svoje poruke na skulpturama instalacija, gledajući naprijed ka budućnosti, zahvaljujući generacijama koje su preživjele opsadu Sarajeva, koji su bili zatočeni u gradu bez osnovnih ljudskih prava, gdje im je bilo uskraćeno osnovno pravo na život i slobodu življenja. Opsada je trajala 1425 dana, uz kampanju granatiranja, snajperisnja, bez struje, vode i osnovnih životnih potrepština. Upravo zbog toga, ovaj projekta nastoji objediniti poruke svih naroda i kultura koje su zajedno na jednoj od instalacija na temu slobode ta na taj način poslati snažnu poruku u svijet.

Naziv aktivnosti: Polaganje cvijeća na ključnim lokacijama stradanja civila u Sarajevu

Lokacija: Naknadno (utvrđuje Organizacioni odbor)

Vremenski okvir: 05.04.2024. godine

Satnica: Naknadno (utvrđuje Organizacioni odbor)

Učesnici aktivnosti: Delegacije Grada Sarajeva, strane delegacije, delegacije općina u sastavu Grada, Kantona Sarajevo i ostalih nivoa vlasti te predstavnici relevantnih udruženja.

Napomena: Ovo je protokolarna aktivnost i nije izmijenjena.

Ia. Naziv aktivnost: Projekat „Umjetnici Sarajeva za slobodnu Bosnu i Hercegovinu, 1992.-1995.“

Lokacija: aula Vijećnice

Vremenski okvir: 04.04.2024. godine

Satnica: naknadno

Učesnici aktivnosti: delegacije Grada Sarajeva, strane delegacije, diplomatska predstavništva u BiH, delegacije, predstavnici različitih nivoa vlasti u BiH, predstavnici relevantnih udruženja, umjetnici, učenici i studenti.

Obrazloženje: Projekat „Umjetnici Sarajeva za slobodnu BiH, 1992-1995.“ posvećena je likovnom događaju nastalom u prvim mjesecima opsade Sarajeva i fascinantna priča o duhovnom i stvaralačkom otporu na samom početku rata u glavnom gradu BiH. Projekat je nastao u okviru Umjetničke čete Regionalnog štaba TO Sarajeva, koja je formirana tokom ljeta 1992. godine i kroz koju je jednim dijelom artikuliran otpor umjetnika koji su tada djelovali u opsjednutom Sarajevu.

Autor ove multimedijalne izložbe je Mirsada Baljić, čiji je privatni arhiv bio osnova za realizaciju čitavog projekta. Arhiv čine brojne fotografije, video materijal i dokumentacija iz tog vremena. U projektu je korišten i privatni arhiv fotografa i video umjetnika Zorana Lešića.

Pored fotografija i dokumentacije, u okviru projekta nastao je i dokumentarni film „Izložba 92“ Jasmína Durakovića, koji je i sam bio jedan od aktera u organizaciji izložbe u Kamernom teatru 55. Film je dokumentarno i autentično svjedočanstvo o ovoj izložbi sa nizom do sada neviđenih snimaka iz tog perioda.

Dokumentarni film je završen 2023. godine, a projekat se realizira u produkciji neprofitnog Udruženja umjetnika Art Colony iz Sarajeva.

Sredstva u Budžetu Grada Sarajeva za realiziranje navedenih programskih aktivnosti realizirat će se na poziciji 614 300 – Tekući transferi neprofitnim organizacijama – Program obilježavanja Dani opsade Grada Sarajeva po Odluci Gradskog vijeća.

III REALIZACIJA PROGRAMA I LOGISTIKA

Za potrebe realizacije Programa formirat će se Organizacioni odbor koji će se potom podijeliti u timove koji će biti zaduženi za različite aktivnosti, uz obavezu koordiniranog djelovanja i održavanja zajedničkih sastanaka. Organizacioni odbor bit će zadužen, između ostalog, za: korespondenciju, organizaciju događaja, ishodovanje potrebnih dozvola, sačinjavanje listi učesnika, slanje poziva, protokolarne aktivnosti, provođenje potrebnih nabavki i sl.

Organizacioni odbor bit će ovlašten i da izvrši dodatno preciziranje lokacija, satnica, učesnika i zvanica.

Odsjek za informiranje (Press služba) Grada komunicirat će s medijima i sačinjavati saopćenja i medijske najave.

Sve potrebne nabavke za realizaciju cjelokupnog Programa provodit će se u skladu sa važećim propisima.

IV FINANSIJSKA SREDSTVA

Za potrebe realizacije Programa potrebno je u Budžetu Grada Sarajeva za 2024. godinu planirati 80.000,00 KM. Grad će tražiti i dodatnu finansijsku podršku općina u sastavu Grada i ostalih nivoa vlasti u BiH.

GRADONAČELNICA

Prof. dr. Benjamina Karić

Broj:

Sarajevo, __. __. 2023. godine